

## Evening Dogri (NSD) Bulletin 02-10-2025

### आकाशवाणी

1. राष्ट्रपिता महात्मा गांधी होरें'गी उंदी 156मीं जयंती पर राष्ट्र आसेआ अज्ज श्रद्धांजलि दिती गई।
2. प्रधानमंत्री नरेंद्र मोदी होरें राष्ट्री स्वयंसेवक संघ दे 100 ब'रे दी समर्पण सेवा पूरी करने पर सराहना कीती।
3. खादी महोत्सव-2025 खादी उत्पादें पर समूचे मुल्लखै च छूट बिक्री कन्नै शुरू होआ।
4. रक्षा मंत्री राजनाथ सिंह होरें पाकिस्तान गी खबरदार करदे होई आखेआ जे कुसै बी दुस्साहस दा मूंह तोड़ परता दिता जाग।
5. पाकिस्तान दे नजैज कब्जे आहले जम्मू-कश्मीर (पी.ओ.जे.के) च हिंसक बरोध-प्रदर्शन जारी, 21 लोकें दी मौत दी खबर।

<><><><><><>

### Gandhi Jayanti

राष्ट्रपिता महात्मा गांधी होरें'गी उंदी 156मीं जयंती दे मौके अज्ज राष्ट्र आसेआ श्रद्धांजलि दिती गई। देश ते देश दे बाहरें भारती मिशन तरफा कई कार्जक्रम आयोजित कीते गो। देश अपने साबका प्रधानमंत्री लाल बहादुर शास्त्री होरें गी बी उंदी जयंती पर चेत्ता करा रदा ऐ। राष्ट्रपति द्रोपदी मुर्मू होरें राष्ट्रपिता होरें गी श्रद्धांजलि भेंट कीती। अपने स्नेह च उनें आखेआ जे एहू ध्याड़ा राष्ट्रपिता हुंदे मूल्लें ते कदरें दे निमित्त ऐ। उनें शांति, बर्दाश्त करने ते सच्चाई दा स्नेहा दिता जेड़ा गै पूरी मानव जाति आस्तै प्रेरणा ऐ। राष्ट्रपति द्रोपदी मुर्मू, उपराष्ट्रपति सी.पी राधाकृष्णन, प्रधानमंत्री नरेंद्र मोदी ते होर दुए मन्ने-परमन्ने दे लोकें अज्ज गांधी स्मृति च सर्व धर्म प्रार्थना सभा च हिस्सा लैता। लोकसभा अध्यक्ष ओम बिरला ते आवास ते शहरी मालें दे मंत्री मनोहर लाल होरें राजघाट जाइये महात्मा गांधी होरें गी श्रद्धांजलि भेंट कीती। विपक्षी नेता राहुल गांधी होरें बी महात्मा गांधी हुंदी 156मीं जयंती पर उनेंगी श्रद्धांजलि दिती। प्रधानमंत्री नरेंद्र मोदी होरें बी राष्ट्रपिता महात्मा गांधी होरें गी श्रद्धांजलि भेंट कीती। प्रधानमंत्री होरें साबका प्रधानमंत्री लाह बहादुर शास्त्री होरें गी बी उंदी 121मीं जयंती पर श्रद्धांजलि दिती। जम्मू-कश्मीर दे उपराज्यपाल मनोज सिन्हा ते मुख्मन्त्री उमर अब्दुल्ला होरें बी महात्मा गांधी होरें गी श्रद्धांजलि भेंट कीती। महात्मा गांधी हुंदी जयंती दे मौके अज्ज पूरी दुनिया च अंतरराष्ट्री अहिंसा दिवस मनाया जा रदा ऐ।

<><><><><><>

### RSS

राश्ट्री स्वयंसेवक संघ-आरएसएस दे सरसंघचालक डॉ. मोहन भागवत होरें गलाया ऐ जे आत्मनिर्भर बनने ते वैश्विक एकता दे पक्षधर होने दे नाते असेंगी एहू यकीनी बनाना होग जे निर्भरता स्हाड़ी विवशता नेई ऐ ते अस अपनी इच्छानुसार कम्म करने च सक्षम आं। उनें आखेआ जे स्वदेशी ते सवावलम्बन दा कोई विकल्प नेई ऐ। उनें आखेआ जे कोई बी देश बक्ख बक्खरा होइये नेई रेई सकदा ते इस्सै लेई असेंगी अपने अंतरराश्ट्री ते बपारिक सरबंधें गी होर निग्गर बनाना लोड्चदा ऐ। सब्बनें राश्ट्रें दे बश्कार परस्पर निर्भरता होनी लोड्चदी ऐ। आरएसएस प्रमुख होर अज्ज नागपुर दे रेशमबाग च मुख्ख परौहने साबका राश्ट्रपति रामनाथ कोविंद हुंदी मौजूदगी च आरएसएस दे 100 बरे पूरे होने ते विजयदशमी दे समारोह गी संबोधित करा रदे हे। डॉ. भागवत होरें आखेआ जे पहलगाम हमले मगरा कीती गेदी जवाबी कार्रवाई दी अवधि दरान असें देश दे नेतृत्व दी दृडता स्हाड़े सशस्त्र बलें दी वीरता ते युद्ध तत्परता ते समाज दे दृढ संकल्प ते एकता दे उत्साह भरोचे दे दृश्य दिक्खे।

<><><><><><>

### PM Mohan Bhagwat

प्रधानमंत्री नरेंद्र मोदी होरें अज्ज राश्ट्रीय स्वयंसेवक संघ दी 100 बरें दी समर्पण सेवा पूरी करने पर सराहना कीती। सरसंघचालक डाक्टर मोहन भागवत हुंदे आस्सेआ दिते गेदे प्रेरणादायक संबोधन दा जिक्र करदे होई प्रधानमंत्री होरें राष्ट्र निर्माण च संघ दी अहम भूमिका ते भारत दे सभ्यता मूल्यें गी पोशित करने लेई उंदी अटूट प्रतिबद्धता उप्पर प्रकाश पाया।

<><><><><><>

### Amit Shat Khadi

गृहमंत्री अमित शाह होरें देश दे लोकें गी अपील कीती ऐ जे ओह हर बरे घट्टोघट्ट पंज हजार रुपें दे खादी उत्पादें दी खरीद करना। उनें आक्खेआ जे इस चाल्ली दी पैहलकदमी कन्नै करोड़ें लोकें गी रोजगार थ्होग ते उंदे जीवन च रौशनी औगा। अज्ज नमीं दिल्ली च खादी उत्पादें उप्पर देशव्यापी छूट बिक्री शुरू करने मगरा पत्रकारें कन्नै गल्लबात करदे होई श्री शाह होरें आक्खेआ जे पिच्छले ग्यारह बरें च खादी ते ग्रांउ उद्योग दे उत्पादें दी बिक्री च पंज गुणा बद्धोबद्धी होई ऐ जेह्डी 33 हजार करोड़ रुपें थमां इक लक्ख 70 हजार करोड़ रुपें शा मती होई गेई ऐ। उनें आक्खेआ जे प्रधानमंत्री नरेंद्र मोदी होरें अपने मन की बात कार्यक्रम दे राएं स्वदेशी दे विचार गी बढावा दित्ता ऐ, जिसदे कन्नै देश दे लोकें गी इसगी आर्थिक विकास कन्नै जोड़ने लेई प्रेरित कीता ऐ। खादी महोत्सव 2025 दौरान अज्जै थमां 5 नवंबर तोहड़ी ग्राहकें गी खादी दे कपड़ें उप्पर 20 प्रतिशत ते खादी ग्रांउ उद्योग दे उत्पादें उप्पर 10 प्रतिशत दी छूट दित्ती जागा।

<><><><><><>

### IT Minister

इलैक्ट्रानिक ते सूचना प्रौद्योगिकी केंद्री मंत्री अश्विनी वैश्वव होंरें अज्ज आखेआ जे इलैक्ट्रानिक्स कम्पोनेंट मैनुफैक्चुरिंग स्कीम तैहत सरकार इक 1 लकख 15 ज्हार 351 करोड़ रपें दा रास-पूंजी लाने सरबंधी दरखास्तां हासल होइयां ना। नमीं दिल्ली च मीडिया गी जानकारी दिंदे होई वैश्वव होंरें दस्सेआ जे इस योजना तैहत आवेदन दी तरीक कल मुक्की गई ऐ ते एहदे तैहत मिले दे आवेदनें दी गिनतरी ऐतिहासिक ऐ। उनें आखेआ जे पिछले 11एं बरें च बने दा बसा-भरोसा हून निवेश, रोजगार पैदा करने ते उत्पादन च बदलारदा ऐ। केंद्री मंत्री होंरें आखेआ जे 59 ज्हार 350 करोड़ रपे दे निवेश दे लक्ष्य दी पछोक्कडै च इक लकख 15 ज्हार शा मती रकम दे आवेदन हासल कीते गो। एहदे अलावा 4 लकख 46 ज्हार ते 5 करोड़ रपे दे उत्पादन दे लकख दे पछोक्कडा च 10 लकख करोड़ रपे शा मते दे उत्पादन दा अनुमान हासल कीता गेआ ऐ।

<><><><><><>

### Environment-Minister

केंद्री पर्यावरण भेपूंद्र यादव होंरें अज्ज हरियाणा दे मानेसर च वन्य जीव हफ्ते 2025 दे मौके पर 'नमो वन' दी नीह रक्खी। सोशल मीडिया पोस्ट च श्री यादव होंरें भारत दी जैव विविधता गी बचाने दे महत्व पर जोर दित्ता। उनें एहू बी उजागर कीता जे जंगली जीव जंतुएं दे हफ्ते गी मनाने दा मकसद देश दी सैलतन ते जीव जंतुएं दी सुरक्षा ते संरक्षण बारै जागरूकता फैलाना ऐ जेदे कन्नै समूलचे मुख च एहदी पुज्ज बनै। जंगली जीव जंतुएं दे संरक्षण ते पारिस्थितिकी संतुलन दे महत्वै बारै जन जागरूकता पैदा करने आस्तै हर बरे 2 अक्तूबर थमां 8 अक्तूबर तगर एहू हफ्ता मनाया जंदा ऐ। इस बरे दे जश्र दा आयोजन सेवा पर्व दे विशे तैहत कीता जा करदा ऐ जेडा कुदरत दे प्रति सेवा ते जिम्मेदारी दी व्यापक भावना कन्नै तालमेल बनाइयै रक्खेआ जारदा ऐ।

<><><><><><>

### Rajnath

रक्षा मंत्री राजनाथ सिंह होंरें अज्ज पाकिस्तान गी सख्त चेतावनी दिंदे होई आखेआ जे सरक्रीक क्षेत्र च कुसा बी दुस्साहस दा मुंह त्रोंड परता दित्ता जाग। अज्ज भुज दे मिलीट्री स्टेशन च सशस्त्र पूजन मगरा सैनिकें गी संबोधित करदे होई उनें आखेआ जे आपरेशन सिंदूर दरान पाकिस्तान लेह शा लेइये सरक्रीक तगर भारत दी रक्षा प्रणाली गी कमजोर करने च नाकाम रेआ ऐ। परते च भारती सेना नै पाकिस्तान दी हवाई रक्षा प्रणाली दी पूरी चाल्ली पोल खोलिये दुनिया गी एहू कडा स्नेहा दित्ता जे भारत जदूं चाहे जित्थे चाहे पाकिस्तान गी भारी नुकसान पजाने दी समर्थ रक्खदा ऐ।

<><><><><><>

### Seva Sushasan



